

Skulereglement for Sogn Jord- og Hagebruksskule

Fastsett med heimel i ”Lov om grunnskolen og den vidaregåande opplæringa” av 17. juli 1998 nr. 61 §3-7 og §9A-10, forskrift til opplæringslova av 23. juni 2006 og forskrift til ordensreglement for dei vidaregåande skulane i Sogn og Fjordane vedteke i hovudutval for opplæring 26.09.17, sak 22/17.

Ordensreglementet er handsama av tillitsvalde, elevråd, skulemiljøutval og vedteke av skuleutvalet i møte 11. desember 2017.

§ 1. Formål

Skulereglementet skal medverke til godt arbeids- og læringsmiljø og til positiv sosial utvikling for elevane.

§ 2. Verkeområde

Reglementet gjeld for alle som er under opplæring ved skulen og gjeld også på ekskursjonar og aktivitetar i regi av skulen utanfor skuleområdet.

§ 3. Elevane har rett

- til eit trygt og godt skulemiljø som fremjar helse, trivsel og læring; opplæringslova. Skulen er forplikta til å leggje til rette for eit godt skulemiljø og å sette i verk tiltak når det er påkrevd, jfr opplæringslova § 9a
- opplæring, hjelp og rettleiing i samsvar med lover og føresegner som til ei kvar tid gjeld; opplæringslova, fylkeskommunale vedtak og gjeldande forskrifter og læreplanar.
- til opplæring tilpassa evnene og føresetnadane til den enkelte. Elevar som ikkje har eller som ikkje kan få tilfredsstillande utbytte av det ordinære opplæringstilbodet, har rett til spesialundervisning; opplæringslova § 5-1
- til løpande rettleiing og tilbakemelding undervegs i høve til dei måla han/ho arbeider etter, (jfr forskrift til opplæringslova § 3-1) og sluttvurdering av kunnskap og ferdigheiter i høve til måla i læreplanen
- til å delta i planlegging, gjennomføring og vurdering av opplæringa i tråd med gjeldande reglar
- til og også plikt til å opprette elevråd, jfr opplæringslova § 11-6. Skulen skal leggje til rette for best mogleg arbeidsforhold for elevrådsarbeid. Elevrådsrepresentantane har rett til jamlege møte med skuleleiinga
- til rådgjeving, oppfølging og hjelp til å finne seg til rette, jfr. forskrift i opplæringslova § 22-1. Eleven har vidare rett på tilgang til skulehelseteneste
- til å ta opp med skulen/ bør ta opp med skulen når læringsmiljøet ikkje er godt eller at rettane elevane har i opplæringa ikkje vert oppfylte

§ 4. Elevane pliktar

- å oppføre seg høfleg og realt og seia i frå til den som opptrer krenkande overfor andre, saman med andre skape eit godt arbeidsmiljø og gode samarbeidsformer slik at alle trivst og vert respekterte; jfr. opplæringslova § 9a.
- å møte til undervisinga til fastsett tid og ha med nødvendig materiell og utstyr for å kunne delta aktivt i undervisinga
- å levera oppgåver, prosjektarbeid, teikningar og anna arbeid som vert pålagt dei
- å bruke verneutstyr som er pålagt og følgje reglar for helse, miljø og tryggleik
- å skaffe det undervisingsutstyret og opplæringsmateriellet som vert kravd
- å melde fråvær på fastsett skjema
- å medverka aktivt til godt arbeidsmiljø og gode samarbeidsformer på i skulesamfunnet
- å gje skriftleg melding dersom han/ho vil avslutte opplæringa før den er fullført
- å melda frå om skade på bygningar, inventar og utstyr på skulen sin eigedom

§ 5. Orden

God orden er mellom anna at elevane

- møter til rett tid til teoritimar og øvingar
- møter førebudd til undervisinga
- har lite ugyldig fråvær
- leverer oppgåver og gjennomfører prøvar til fastsett tid
- har med seg nødvendig materiell og utstyr til timane

§ 6. Åtferd

God åtferd er at elevane

- viser vanleg folkeskikk
- er høflege og viser omsyn og respekt
- ikkje fuskar eller prøver å fuske på oppgåver, prøvar og eksamen
- arbeider aktivt mot mobbing og anna ikkje akseptert åtferd
- følgjer avtalte spelereglar i skulesamfunnet

§ 7. Forbod/åtferd som ikkje er akseptert

Det er forbode å

- vise seg rusa og oppbevare eller bruke rusmiddel i skuletida og på skuleområdet. Dersom det er mistanke om oppbevaring, bruk eller sal av narkotiske stoff vil forholdet verta meldt til politiet
- å bruke tobakk anten det er snus, skråtobakk eller sigarettar i skulen sine lokale og på skulen sine område gjennom heile døgnet
- å bruke tobakk anten det er snus, skråtobakk eller sigarettar i skuletida

- ta dyr inn i skulen sine bygningar utan særskilt løyve
- bruke skulen sitt datautstyr til lesing, nedlasting eller spreiding av pornografisk, rasistisk eller anna krenkande materiale

§ 8. Fusk eller forsøk på fusk

Fusk eller forsøk på fusk er uærleg og dermed uakseptabel åtferd. Det fører til at oppgåva eller prøven vert annullert og gjev som hovudregel nedsett karakter i åtferd.

Følgjande vert rekna som fusk: Samarbeid med andre, avskrift/kopi av andre sitt arbeid og bruk av hjelpemiddel som ein ikkje på førehand har fått løyve til å bruke.

§ 9. Reglar for ekskursjonar og utferder

Målet med ekskursjonsreglane er at utferdene skal bli mest mogleg vellykka og at vi skal unngå konflikhtar og uhell. Ein ekskursjon er ein del av opplæring på skulen. I tillegg til skulereglementet elles gjeld følgjande:

- Alle skal gjera sitt til å skapa eit godt sosialt miljø og godt fagleg utbytte på turen
- Ansvarleg lærar set opp tider for avreise oppmøte undervegs. Alle skal møte i god tid til oppsette tidspunkt
- Alle skal rette seg etter det læraren seier. Individuelle avtaler skal takast direkte med ansvarleg lærar
- Elevar som fer ut på eiga hand skal ha avtale med lærar kvar dei skal og når dei skal koma tilbake
- Dersom noko skulle inntreffe, slik at nokon ikkje kjem tilbake til avtalt tid, skal ansvarleg lærar få melding så snart som mogleg
- Brot på ein eller fleire av desse reglane kan få konsekvensar for eleven sin karakter i orden og åtferd - og i verste fall føre til at eleven vert sendt heim på eiga rekning

§ 10. Internettbruk

- For bruk av IKT - ressursar som PC-ar, nettverk, program og liknande gjeld fylkeskommunen sitt IKT-reglement for elevar og tilsette i vidaregåande opplæring i Sogn og Fjordane
- Det gjeld og eigne vedtekter for internettbruk ved SJH, sjå vedlegg 2

§ 11. Sanksjonar mot brot på ordensreglementet

Brot på ordensreglementet kan føra til reaksjonar mot eleven i form av åtvaring/tilsnakk, refsingstiltak eller særskilde tiltak.

§ 12. Refsingstiltak og særskilde tiltak

A. Refsingstiltak - som kan vera

- nedsett karakter i orden og åtferd
- påtale frå overordna (rektor/skuleleiinga)
- bortvising frå klassa resten av timen etter faglærer si avgjerd
- bortvising frå skulen resten av dagen etter rektor si avgjerd etter samråd med eleven sine lærarar

B. Særskilt tiltak - som kan vera

- utestenging frå undervisinga i inntil 5 dagar etter rektor si avgjerd etter samråd med eleven sine lærarar
- fylkesdirektøren for opplæring har mynde til å vise bort for resten av skuleåret
- hovudutval for opplæring har mynde til gjere vedtak om tap av rett til vg opplæring

§ 13. Sakshandsamingsreglar

- Før refsingstiltak vert sett i verk skal eleven ha høve til å uttala seg direkte til den som tek avgjerd om refs
- Før særskilt tiltak vert sett i verk skal det sosialpedagogiske personalet ha hatt høve til å uttala seg
- Særskilt tiltak kan nyttast dersom refsingstiltak etter punkt A ovanfor og hjelpemiddel som skulen rår over ikkje fører til betring.
- Før det blir fatta vedtak om tap av rettar eller bortvising skal eleven ha skriftleg varsel med opplysingar om grunnlaget for vedtaket.
- Skulen skal føre notat over alle dei tiltak som vert sette i verk i samband med brot på skulereglement
- Klage på utestenging kan rettast til Sogn og Fjordane fylkeskommune. Opplæringsavdelinga. Klage på tap av rett til vidaregåande opplæring kan sendast til Fylkesmannen i Sogn og Fjordane.

§ 14. Særskilte tilleggsreglar

- Skulen sitt utstyr skal brukast med varsemnd og omtanke. Elevar kan risikera å bli økonomisk ansvarlege dersom noko vert øydelagt som følgje av manglande omtanke.
- Kommersiell aktivitet skal ikkje førekoma på skulen med mindre det er avtala med skuleleiinga.
- Mobiltelefonar og anna digitalt privat utstyr skal vera avslegne i timar og øvingar.
- For Internatet på Sogn Jord- og Hagebrukskule gjeld egne husreglar som dei som bur og/eller et på Internatet eller brukar elevkjøkkena på skulen må følgja. sjå vedlegg 3.
- Det er ikkje høve til å ta kjæledyr inn i skulen sine bygningar eller i skulen sine bilar.

§ 15. Samarbeid mellom skule og heim/føresette

- Slikt samarbeid vert organisert gjennom foreldremøte og/eller ved konferanse mellom foreldre/føresette og skulen. **Gjeld elevar som er under 18 år.**
- Elevar og foreldre/føresette har rett til slik informasjon:
- Informasjon om skulereglementet
- Melding om termin- og standpunkt - karakter
- Melding om at eleven har høgt fråvær
- Varsel om fare for at eleven ikkje får vurdering i fag, og grunnen til dette.
- Varsel om fare for nedsett karakter i orden og/eller åtferd, og grunnen til dette.
- Melding om gjentekne refsingstiltak
- Informasjon dersom ein vesentleg del av opplæringa skal gå føre seg utanfor skulen
- Informasjon om spesielt risikofull opplæring/aktivitet
- Informasjon om særskilde problem i forhold til opplæringa/skulegangen og behov for spesialundervisning og/eller sosialpedagogiske tilbod
- Informasjon om høve til å samarbeide om å utforme sosialpedagogiske tilbod til eleven
- Melding om bortvising frå internat

§ 16. Organisasjonsarbeid og politisk aktivitet på skulane

Etter avtale med rektor kan elev- og ungdomsorganisasjonar, inkludert politiske parti, drive organisasjonsarbeid og politisk aktivitet på skulen, i og utanom skuletida.

§ 17. Forbod mot tobakksbruk, inkludert e-sigarettar i skulen sine lokale og på skulen sine område heile døgnet

Ingen har lov til å røyke, bruke snus eller andre tobakksformer på skulen sitt område eller lokale som skulen eiger/leiger. Det vert presisert at dette forbodet gjeld heile døgnet og at friminutta vert rekna som skuletid.

§ 18. Forbod mot tobakksbruk i skuletida

Ingen har lov til å røyke, bruke snus eller andre tobakksformer i skuletida, friminutta vert rekna som skuletid.